



Indgået

10 OKT. 2018

Uunga
Inatsisartunut ilaasortaq
Sara Olsvig
Inuit Ataqatigiit

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Killiliisa pillugu § 37 naapertorlugu apeqqutigineqartut (2018-228) akineqarnerat

Asasara Sara Olsvig

Qujanaq apeqqutinngorlugit nassiunneqarsimasunut. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

09-10-2018
Suliap nr. 2018 - 17646
Akt id. 8639739
Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

- 1) Naalakkersuisut kinguaassiuutitigut atornerluinernik akiuinissamut ataatsimoorussamik suliniuteqarnissami "Killiliisa"-mi allapput: "innuttaasunik kinguaassiuutitigut atornerluisarneq pillugu paasissutissiisarneq annertusarneqassaaq, siunnerfilerneqassaaq nukittorsarneqarlunilu". Suliassaqaqarfinni sorlerni suliniutissat taakkua aallartinneqarumaarpat, suliniutissallu suut, NAKUUSA-p Ullut Tamaasa saniatigut, pilersaarutaappat?**

Isumaginninnermut Inatsisinillu Atuutsitsinnermut Naalakkersuisoqarfiup ataani Isumaginninnermut Aqutsisoqarfik massakkut inunnut sulianik ilisimasalinnut (ilinniarsimasunut ilinniagaqaqanngitsunullu) iliitersuutissanik qaammarsaanissamullu atortussanik ineriartortitsinnermik suliaqarpoq. Atortussat aqutugalugit sulisut kinguaassiuutitigut atornerluinerit pillugit ilisimasaqarnerulernissaat anguniarneqarpoq, tamannalu aqutugalugu kinguaassiuutitigut atornerluinnermut suliat pillugit iliuseqarsinnaanerit akissussaaffiilu erseqqissarneqassallutik. Qaammarsaanissamut iliitersuutinullu atortussat annertuumik paasititsiniaanissamut atortunut ilaapput, tamakkulu 2019-imi aallartinneqarpat sammineqartoq pillugu filmi piviusulersaarut, allagartarsuit, quppersakkat inuillu qarasaasiakkut naapittarfiini suliniutit il.il. ilanngunneqassapput

- 2) Suliniutit taakkua allat qanoq aningaasalerneqarniarpat qanorlu annertutigisumik?**

Killiliisa pillugu sulinnermut isumaginninnermi suliassaqaqarfinni ukiumut 4,1 mio. kr.-nit immikkoortinneqarsimapput. Tamatuma saniatigut kontunut pingaarnernut susassaqaqarfinni 30-mi aningaasaliissutinut killiliussat iluanni periusissami suliniutigineqartut ineriartortinneqarput. Taamaalilluni isumaginninnermi suliassaqaqarfinni kinguaassiuutitigut atornerluinnermut sulinnermi aningaasat immikkoorluinnartut immikkoortinneqareersimapput. Assersuutugalugu peqqinnissamut ilinniartitaanermullu suliassaqaqarfinni kinguaassiuutitigut atornerluinnermut suliniutissat suliassaqaqarfinni pingaartinneqareersunut ilanngunnissaat eqqarsaataavoq.

- 3) Naalakkersuisut "Killiliisa"-mi allapput: "kinguaassiuutitigut atornerluinermik pitsaaliuineq annertusarneqassaaq nukittorsarneqarlunilu" suliniutissanillu**

nukittorsaanissamut siunnersuutaasut arlallit saqqummiullugit. Suliassa qarfiit sorliit akimorlugit suleqatigiinnikkut nukittorsaanissaq annertusaanerlu Naalakkersuisut pilersaarutigaat, qanorlu suliassa qarfinni ataasiakkaanin aningaasalerneqartigissappat?

Oqartussaaso qarfiit assigiinngitsunik suliallit akornanni suleqatigiinnissaq qulakkeerniarlugu, periusissamut atatillugu oqartussaaso qarfiit assigiinngitsunik suliallit akornannit malinnaatitanik pilersitsisoqarnikuuvoq. Periusissap ineriartortinneqarneranut nalilersorneqarsinnaalersinnissaanullu malinnaatitat peqataapput. Siunissami periusissami suliniutit ineriartortinneqarneranni piviusunngortinneqarnerinilu malinnaatitat eqeersimaartumik aamma peqataatinneqassapput. Malinnaatitani suliassarfiit immikkoortullu assigiinngitsut taamaalillutik pitsaaliuinermi suliniutit ilusilersorneqarnerat peqataaffigissavaat. Isumaginninnermut Inatsisinillu Atuutsitsinnermut Naalakkersuiso qarfiup ataani Isumaginninnermut Aqutsiso qarfik siunissami atonerluinerit pitsaaliornissaat siunertarlugu ilaatigut inunnut kinguaassiuutitigut kannguttaatsulionermik pissusilersortartunut tapersiisarnissanik katsorsaasarnissanillu periarfissat ineriartortileruttorpaat.

Killiliisami suliniutit allat assigalugit aningaasaliissutinut killiliunneqartut iluinni pitsaaliuinermi suliniutit ineriartortinneqarput. Apeqqut 2-mut akissut innersuussutigineqarpoq.

4) Naalakkersuisut "Killiliisa"-mi allapput "kinguaassiuutitigut innarliisarnerup pitsaaliorneqarnerani katsorsaanermullu oqartussaaso qarfiit assigiinngitsunik suliallit suleqatigiittariaqarnerat nukittorsarneqassaaq". Isumaginninnermut suliassa qarfiup saniatigut, MANU-llu saniatigut, pitsaaliuiniarneq tamanna qanoq aningaasalerneqarpa?

Apeqqutigineqartup akiniarnerani Peqqissutsimut Naalakkersuiso qarfimmut aamma Ilinniartitaanermut, Kultureqarnermut, Ilageeqarnermut Naligiissitaanermullu Naalakkersuiso qarfimmut ilanngussanik piniartoqarsimavoq.

Peqqissutsimut Naalakkersuiso qarfik tassunga ima akissuteqarpoq:

"Peqqinnissa qarfiup iluani oqartussaaso qarfiit assigiinngitsunik suliallit akornanni suleqatigiinnissamut imaluunniit kinguaassiuutitigut atonerlunneqarsimasut katsorsarneqarnissaannut pitsaaliuinernullu immikkut aningaasaliisoqanngilaq, taamaammat aallaaviatigut ullumikkut suleriaaseq atorlugu sulisoqarluni. Taamaakkaluartoq Peqqissutsimut Naalakkersuiso qarfik Killiliisa pillugu sulinermut peqataasimavoq, naalakkersuiso qarfillu tamatumunnga periarfissaqartillugu, tassani nassuiarneqartut malillugit suliniutigineqartut piviusunngortinnissaannut suleqataarusulluni."

Ilinniartitaanermut, Kultureqarnermut, Ilageeqarnermut Naligiissitaanermullu Naalakkersuiso qarfik tassunga ima akissuteqarpoq:

"Ilinniartitaanermut Aqutsiso qarfiup akisussaaffiini Killiliisap suliniutaanut aningaasanik immikkut ittunik immikkoortitsisoqarsimanngilaq, akisussaaffigineqartullu tassaapput atualernissamut piareersarfik, meeqqat atuarfiat, inunnut innarluutilinnut atuarfik, efterskolit højskolillu. Atoqateqartarneq pillugu ilinniartitsinnermut suliassa qarfimi kommunit suliniutinik immikkut ittunik kissaateqassappata, soorlu sulisunut immikkut

ilisimasalinnut pikkorissartitsinerit ilinniartitseqqinnerillu, llinniartitaanermut Aqutsisoqarfimmut kissaatitik nassiussinnaavaat."

- 5) Naalackersuisut peqqinnissaqarfiit politiillu inunnik kinguaassiutitigut atornerlugaasimasunik misissuinermi suleqatigiinnerat nukittorsarneqassasoq. Peqqinnissaqarfimmut politiinullu tamassumunnga qanoq aningaasaliitigisoqarpa?**

Apeqqutigineqartumut tassunga akissuteqarnissaq pillugu Peqqissutsimut Naalackersuisoqarfimmut kiisalu Justitsministeeriaqarfimmut ilanngussassanik piniartoqarsimavoq.

Peqqissutsimut Naalackersuisoqarfik tassunga ima akissuteqarpoq:

Peqqinnissaqarfiup iluani tassunga immikkut aningaasaliisoqarsimanngilaq, taamaalillunilu tassunga immikkut aningaasanik immikkoortitsisoqarsimanani, taamaammallu politiit Peqqinnissaqarfiullu akornanni suleqatigiiffiusartut pioreersut aqutigalugit tamanna pillugu sulineq malitseqartitsinerlu ingerlanneqarlutik. Sumiiffinni inunnik misissuinerlut atattillugu suleriaatsit nutaajusinnaasut piviusunnngortinniarnertat Peqqinnissaqarfimmi ataatsimut periuserineqartut naapertorlugit pisarput.

Justitsministeeriaqarfik tassunga ima akissuteqarpoq:

"Apeqqut 5-imut tunngatillugu, peqqinnissaqarfiup politiillu akornanni suleqatigiinnermi, inunnik misissuisarnerlut naleqqiullugu, tunngaviatigut politiit suliassarigaat, Kalaallit Nunaanni Politiit nalunaarutigaa. Uppernarsaatit isumannaarneqarnissaat pissutigalugu inunnik misissuinnissaq pisariaqartillugu, pinerluttulerinnermi inatsimmik unioqutitsinnermi paasiniaanermit suliassaqarfik taamaammatt Kalaallit Nunaanni Politiit aningaasaliissutinik ingerlaavartumik immikkoortitsivigineqartarpoq.

- 6) Peqqinnissaqarfimmi inuusuttut 15-it inorlugit ukiulinnut kinguaassiutitigut tuniluuttunik nappaateqartoqartillugu aamma naartuersittoqarnerani iliuutsit annertusinissaannut qanoq aningaasaliitigisoqarpa?**

Apeqqut taanna akiniarlugu Peqqissutsimut Naalackersuisoqarfimmut ilanngussassanik piniartoqarsimavoq. Peqqissutsimut Naalackersuisoqarfik tassunga ima akissuteqarpoq:

"Peqqinnissaqarfiup iluani aningaasanik tassunga immikkut aningaasaliisoqarsimanngilaq, taamaammatt aningaasanik immikkut immikkoortitsisoqarsimanani, taamaammallu tamatuminnnga suliaqarneq peqqinnissaqarfiup ullumikkut ingerlanerata iluani isumagineqarpoq, aallaaviatigullu massakkut periuserineqartoq malinneqarluni."

- 7) Oqartussaasoqarfiit assignngitsunik suliallit akornanni pinerlutsaaliinermilu politiit, pinerluttunik isumaginnittoqarfiup, peqqinnissaqarfiup, isumaginnittoqarfiup il.il. akornanni suleqatigiinnerup qulaajaavigineqarnera Naalagaaffimmit Naalackersuisuniillu qanoq aningaasalerneqarpa?**

Apeqquutigineqartoq taanna akiniarlugu Justitsministeeriaqarfimmut ilanngussassanik piniartoqarsimavoq.

Justitsministeeriaqarfik tassunga ima akissuteqarpoq:

"Apeqquut 7-mut tunngatillugu 2017-imi upernaakkut politeeqarfiup pinerlutsaaliuinemik suliaannik misissueqqissaarsimallutik Kalaallit Nunaanni Politiit nalunaarutigaa. Misissueqqissaarnerlu tunngavigalugu Kalaallit Nunaanni Politiit politeeqarfiup pinerlutsaaliuinemik sulineranni suliniutaasa nukittorsarnissaannut suliniutinik arlalinnik ingerlataqarsimapput. Kalaallit Nunaanni Politiit aaqqissugaanertik ilaatigut allannortissimavaat, taamaaliornikkut siunissami vicepolitiinspektørup pitsaaliuineq pingaarnertut suliassarilerlugu. Tamatuma saniatigut politeeqarfiit suliassaqarfimmut sulisussanik amerlanernik pissarsiniarlutik aallartissimapput. Qitiusumik immikkoortortaqarfimmi sulisumik misissueqqissaarnermik suliaqartussamik atorfinitsisoqarsimavoq, soorluttaaq najukkani pitsaaliuinemik suliaqartussanik atorfinitsinissaq sulisutigineqartoq. Tasiilami pitsaaliuinemik suliaqartussamik massakkorpiaq pissarsiniartoqarpoq.

Tamatuma saniatigut Kalaallit Nunaanni Pinerlutsaaliuinnermut Siunnersuisoqatigiit (PiSiu) allattoqarnerannut ukiumi ataatsimi sulisoqarnissamut politeeqarfik immikkoortitsisimasoq Kalaallit Nunaanni Politiit nalunaarput. Allattoqartitsinerup saniatigut suliassaqarfimmi ilisimasanik katersinermik ingerlatitseqqinnermillu suliaqartoqarpoq. Aamma Kalaallit Nunaanni Politiit siunnersuisoqatigiinni ilaasortat suleqatigalugit nammineq paasititsiniaanernik suliniutinillu suliaqartarput. Kalaallit Nunaanni Politiini Politimesteri massakkorpiaq siunnersuisoqatigiinni siulittaasuuvoq.

Kalaallit Nunaanni Pinerluttunik Isumaginnittut suliassaminnut ilaaginnartumik pinerlutsaaliuinnernut oqallittarfinni assigiinngitsuni peqataasartut Direktoratet for Kriminalforsorgen nalunaarpoq, taamaalillunilu oqartussaasoqarfiit assigiinngitsunik suliallit akornanni pitsaaliuinemik suliaqarnermi sulisunik suliaqartitsisarluni. Kalaallit Nunaanni Pinerluttunik Isumaginnittut Ilulissani, Sisimiuni, Maniitsumi, Nuummi, Qaqortumi Tasiilamilu oqartussaasoqarfiit assigiinngitsunik suliallit akornanni suleqatigiinnermut pitsaaliuinnermullu ataatsimiititaliani ilaasortaapput."

8) Eqqugaasut ilaqutaasullu siunnersorneqarluarnerunissaannut suliniuteqarnissaq Naalackersuisut Inatsisinik atuutsitsinermut suliassaqarfimmi periusissatut suliniutissatullu pilersaarutaanni qanoq pingaarnersiulluni tulleriiarinermi inissimava, tulleriiarinerup allannortinnginnerani allannortinneratalu kingorna?

Naalackersuisut Inatsisinik atuutsitsinermut suliassaqarfimmi periusissatut suliniutissanullu pilersaarutaanni suliniutigineqartut eqqugaasut qanigisaasullu siunnersorneqarnissaannut tunngassuteqartut makkuupput:

- Eqqugaasunut siunnersuisarfimmik pilersitsineq
- Eqqugaasunut pigaartoqarnermik pilersitsineq
- Nakuusernermi eqqugaasunut inatsisitigut paasissutissiisarneq
- Pinerlineqartunut illersuisussarsisarneq
- Eqqugaasunut aningaasaateqarfimmik pilersitsineq
- Eqqugaasunut paasissutissiisarnermik annertusititsineq

Suliniutit tamakku pingaarnersiuinermi siullermi nr. 21-26-itut inissinneqarsimagaluarpot. Suliniutit taakku immikkoortumut ataasiinnarmut massakut katersorneqarsimappot, massakkullu pingaarnersiuinermi nr. 4-tut inississimallutik. Taamaalilluni eqqugaasunut qanigisaasunullu siunnersuisarnermut tunngatillugu suliniutinut apeqqut suliassa qarfiuvoq assut pingaartinneqartoq.

Ilanngullugu nalunaarutigineqarsinnaavoq qallunaat 2018-imut aningaasanut inatsisaanni ukiunilu sisamani ukiumut 10 mio. kr.-nit immikkoortinneqarsimammata, taakkulu inatsisunik atuutsitsinermit suliassa qarfirmut immikkut aningaasaliissutitut taaneqarsinnaappot, taakkualu aqutigalugit Kalaallit Nunaanni inatsisunik atuutsitsinermit suliassa qarfiup kiveqarnissaa siunertarineqarpoq. Eqqugaasunut paasititsiniaanissamut aningaasanik immikkoortitsisoqarnissaa kissaatigineqartoq Naalakkersuisut Justitsministeeria qarfirmut nalunaarutigaat. Taamatut paasititsiniaasoqarnerata pisariaqartitsineq annertoq naammassissavaa, tamannalu persuttaasarnerit pitsaaliorneqarnissaannut Naalakkersuisut suliagarnerannut naapertuuppoq. Paasititsiniaanerit eqqugaasunut sammitinneqarnerunissaat Justitsministeeria qarfirmut akuerineqareerput.

Taamaattoq Naalakkersuisut Inatsisunik atuutsitsinermit suliassa qarfirmi periusissatut suliniutissanullu pilersaarutaanni suliniutit tamarmik pingaartinneqarmata, taassallugu pingaaruteqarpoq.

9) Suliassa qarfiup sorliup ataani eqqugaasut ilaqutaasullu katsorsagaanissamut periarfissaannik pilersitsinissaq pilersaarutaava, qanorlu aningaasalerneqassava?

Meeqqat pillugit angalaaqatigiittartut aamma inersimasut meeraanermi kinguaassiuutitigut atorneqarneqarmik kingorna kingunerlutsitsisut pillugit angalaaqatigiittartut katsorsaanermik suliagarnerat Isumaginninnermit Aqutsisoqarfiup ingerlatsiinnassavaa ineriartortillugulu. Tamatuma saniatigut suliniuteqarnerup ingerlanerani eqqugaasunut qanigisaasunullu neqeroorutit allanik ineriartortitsisoqassaaq. Tamanna pissaaq malinnaatitat suliassa qarfirmilu sullitaqartut attuumassutillit suleqatigalugit.

Killiliisami suliniutinut allanut aningaasaqarnikkut killiliussat iluanni eqqugaasunut qanigisaasunullu katsorsarneqarnissamik neqeroorutit ineriartortinneqassappot. Apeqqut 2-mut akissut innersuussutigineqarpoq.

10) Meeqqanik katsorsaajartortut angalasartoqatigiit ullumikkut qanoq aningaasalerneqartigisarpat Naalakkersuisullu siunissami qanoq aningaasaliitigisoqartariaqarnissaa nalilerpaat?

Meeqqat pillugit angalaaqatigiittartut sulinerannut aningaasaliissutit immikkut ittunik immikkoortitsisoqarnikuunngilaq. Meeqqalli pillugit angalaaqatigiittartut suliniuteqarfiuvoq pingaartitaasoq, Isumaginninnermullu Aqutsisoqarfiup suliannut ilaalluinnartut aningaasalersugaalluni.

11) Kalaallit Nunaanni pinerluttulerninermi inatsisip aamma Kalaallit Nunaanni eqqartuussisarnermik inatsisip allanngortinnera pillugu inatsisissatut

**siunnersuut qaqugu Inatsisartut oqaluuserissassaannut
ikkuteqqinneqarnissaa Naalackersuisut naatsorsuutigaat?**

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermut inatsisip (Kinguaassiuutitigut pinerluuteqartarnerit il.il.) allannortinnissaat pillugit inatsisissatut siunnersuummut missingiummut Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut, ukioq manna ukiakkut ataatsimiinnermi saqqummiunneqassaaq.

12) Naalackersuisut "Killiliisa"-mi allapput suliniutit "nunaqqatigiikkaanut tulluarsarneqassasut". Ataatsimut suliniuteqarnissamut Naalackersuisut kommuninik qanoq suleqateqassamaarpat?

Malinnaatitani nunatsinni kommunit tamarmik aallartitaqarput. Malinnaatitat sulinermi peqataatinneqarsimapput, periusissamilu suliniutit ineriartortinnissaannut piviusunngortinnissaannullu sulisuleqataallutik.

13) "Killiliisa"-p oqaqqissaarinerinnartut inisissisimatikkumanagu inuiaqatigiinnili ataatsimoorussamik suliniutigineqarnissaa qulakkeermallugu Naalackersuisut innuttaasut qanoq tamakkiisumik peqataatinneqarnissaat qulakkeerniarpat?

Killiliisami suliniutigineqartut ataatsimut isiginnilluni najukkanilu aallaaveqarluni suliarinissaat aallaaviuvoq. Taamatut sulinikkut innuttaasut suliniutit aqutigalugit uparuartuiffigineqartutut misigisaqannginnissaat qulakkeerneqassaaq. Assersuutigalugu maligassiuisut peqataatinnerat suliniutit ineriartortinnissaannut piviusunngortinnissaannullu pingaaruteqarpoq. Maligassiuisut taamaalillutik eqqugaasut qanigisaasullu pisariaqartitaasa akuerineqarnissaannut qulakkeerrinnermut, kisiannili aamma periusissap qanilaartuuneranik inummullu tunngasuuneranik misigititsinissaanut peqataassapput.

Apequtigineqartup akinissaanut Peqqissutsimut Naalackersuisoqarfimmut kiisalu Ilinniartitaanermut, Kultureqarnermut, Ilageeqarnermut Naligiissitaanermullu Naalackersuisoqarfimmut peqataatitsineq pillugu ilanngussaqaqassagunik ilanngussassaannik aamma piniarsimavunga.

Peqqissutsimut Naalackersuisoqarfik tassunga ima akissuteqarpoq:

"Peqqissutsimut Naalackersuisoqarfik pisortat sulinerannut innuttaasut peqataatinnerunissaannut tunngatillugu periusissamik suliniummilluunniit tigussaasunik massakkut peqanngilaq. Najukkanili innuttaasut peqataatitarnissaat Naalackersuisoqarfiup suliniutit amerlanersaannut sulinerani isiginiarneqartuarput, taakkunungalu ilaavoq atornerluisuunermut suliniuteqarfiit kinguaassiuutitigut atornerluisarnermut attuumassuteqartorujussuit."

Ilinniartitaanermut, Kultureqarnermut, Ilageeqarnermut Naligiissitaanermullu Naalackersuisoqarfik tassunga ilanngussassaqaqanngilaq.

14) Peqqinnissaqarfimmut ilinniartitaanermullu suliassaqarfimmut suliniutissanut siunnersuutaasunut; meeqqat atuarfianni atoqatigiinneq pillugu ilinniartitsinermut, suliassatigut ilinniarsimasunik ilinniartitsinermut, peqqinnissamik isumaginninneq siusissukkullu suliniutinik neqeroorutit nukittorsarnissaannut (MANU-p saniatigut) qanoq aningaasaliitigisoqarpa?

Apeqqutigineqartup akiniarnerani Peqqissutsimut Naalakkersuisoqarfimmut aamma Ilinniartitaanermut, Kultureqarnermut, Ilageeqarnermut Naligiissitaanermullu Naalakkersuisoqarfimmut ilanngussassanik piniartoqarsimavoq.

Peqqissutsimut Naalakkersuisoqarfik tassunga ima akissuteqarpoq:

"MANU-mut ilanngunneqarsimasut saniatigut peqqinnissaqarfiup iluani aningaasanik tassunga immikkoortitsisoqarsimangilaq."

Ilinniartitaanermut, Kultureqarnermut, Ilageeqarnermut Naligiissitaanermullu Naalakkersuisoqarfik tassunga ima akissuteqarpoq:

"Ilinniartitaanermut Aqutsisoqarfiup akisussaaffiisa iluini Killiliisami suliniutigineqartunut aningaasanik immikkut immikkoortitsisoqarsimangilaq, akisussaaffiilu tassaapput atulernissamut piareersarfiit, meeqqat atuarfiat, inunnut innarluutilinnut atuarfik, efterskolit højskolillu. Kommunit atoqatigiinneq pillugu suliassaqarfimmi immikkut suliniuteqartoqarnissaanik kissaateqarunik, soorlu inunnut immikkut ilisimasalinnut pikkorissartitsinerit ilinniartitseqqinnerillu, kissaatitik Ilinniartitaanermut Aqutsisoqarfimmut nassutiinnarsinnaavaat."

15) Inersimasunut meeqqanullu kanngutsaatsuliornermik pissusilersortartunut ikiorsiinissamut katsorsaanissamullu internetsikkullu suliniummut "Killiliisa"-mi taaneqartumut qanoq aningaasaliitigisoqarpa?

Inersimasunut meeqqanullu kinguaassiuutitigut kannguttaatsuliornermik pissusilersortartunut tapersersuinissamut katsorsartinnissamullu neqeroorutit kiisalu qarasaasiakkut pitsaaliuinermik suliniut Killiliisami suliniutit allat assigalugit aningaasaliissutit killiliussat taakku iluanni ineriartortitsiffiupput. Apeqqut 2-mut akissut innersuussutigineqarpoq.

16) Kanngutsaatsuliorsimasunut eqqaartuunneqarsimasunut katsorsagaanissamik neqeroorummut naalagaaffimmit qanoq aningaasaliitigisoqarnissaa naatsorsuutigineqarpa?

Killiliisamat ilaasumik kannguttaatsuliorsimasunut eqqaartuunneqarsimangitsunut aamma kannguttaatsuliortunut pineqaatissinneqareernikunut tapersersuinissamut neqeroorutit assigiinngitsunik Isumaginninnermut Inatsisinillu Atuutsitsinermut Naalakkersuisoqarfimmi Isumaginninnermut Aqutsisoqarfik suliaqartuuvoq. Oktobarip qaammataani inunnut ilisimasalinnut workshopertitsisoqassaaq. Tassani inuit ilisimasallit kannguttaatsuliortunik sullissinerannut tunngatillugu ilisimasaqarnerulernissaat periaatsinillu ilisimasaasa annertusarnissaat ukkatarineqassaaq, aammalu misillitakkani avitseqatigiinnissaaq, tamanna sullitanut taakkununga suliniutit ineriartortinneqarnissaannut ilapittuutaassaaq.

Apeqquut taanna akissuteqarfiginiarlugu Justitsministeeriaqarfimmut ilanngussassanik aamma piniartoqarsimavoq.

Justitsministeeriaqarfik tassunga ima akissuteqarpoq:

"Kiisalu Justitsministeeriaqarfiup apeqquut 16-imut tunngatillugu nalunaarutigissavaa inuit kinguaassiuutitigut pinerluuteqartut unitsissallugit pingaartuummat. Pingaartumik pinerluuteqarnikkut eqqugaasut eqqarsaatigalugit - aammali eqqartuussat eqqarsaatigalugit.

Kinguaassiuutitigut pinerluuteqarlutik eqqartuussat isertitsivimmut inissiinnartarnerat naammangilaq. Pinerluuteqartarnertik qimanniarlugu pisariaqartumik ikiorneqarnissaat aamma pisariaqarpoq.

Tamanna pissutigalugu Kalaallit Nunaanni Pinerluttunik Isumaginnittut Nuummi isertitsivissamut nutaamut psykiaterimik psykologinillu marlunnik atorfinitsisisoqarnissaanik sulissuteqarpoq, taakkualu tigummisassatut eqqartuussat pinerluutaat pineqaatissinneqarnerminnillu naammassinninnissaannut tunngassuteqartut, aamma suliassat pisortat peqqinnissaqarfianni neqeroorutit avataanniittut nalilerneqarpata, suliassat suliarissavaat. Matumani ilaatigut psykiaterimik aamma/imaluunniit psykologimik immikkut oqaloqateqartarnerit oqaloqateqarnerillu sivikitsut sivisuulluunniit pineqarput.

Justitsministeeriaqarfiup naggasiutigalugu ilisimatitsissutigissavaa Kalaallit Nunaanni tigummisassatut eqqartuussat peqqinnissakkut sullinneqarnerannut aningaasaqarnikkut akisussaaffik massakkut Naalackersuisut peqatigalugit eqqartorneqarmat. Oqartussaasut attuumassutillit aaqqiissutissamik ujartuullutik sulipput, taamaalilluni - Nuummi isertitsivissap nutaap ammannnginnerani - peqqinnissaqarfimmi sullissinermut atasumik aamma tamatumunnga aningaasaqarnikkut akisussaaffik pillugu aningaasartuutit annertussusaat paasineqarniassammat."

17) Politiinit suliniutissanut suliassallu meeqqanillu kinguaassiuutitigut atornerluinermut tunngasunik pingaarnersiuiinissamut iliuseqarnissamullu naammattumik aningaasalerneqarnissaa Naalackersuisunit qanoq qulakkeerneqarniarpa?

Inatsisinik atuutsitsinermut suliassaqarfimmi suliniutit pillugit qallunaat naalagaaffiannik aamma Kalaallit Nunaanni Politiinik Naalackersuisut ingerlaavartumik oqaloqatiginnittarput. Pingaarnersiuiinerit pillugit qallunaat naalagaaffiannik oqaloqateqarnerit ataatsimut ajunngitsumik ingerlanneqartut Naalackersuisut maluginiarpaat. Kinguaassiuutitigullu atornerluisarnerit pillugit suliniutit pingaartinneqarnissaannut suliniutillu nukittorsarneqarnissaannut qallunaat naalagaaffiannit Kalaallit Nunaanni Politiinillu annertuumik tapersersuisoqartoq Naalackersuisut maluginiarpaat.

Inussiarnersumik inuulluaqquillunga
Med venlig hilsen


Doris J. Jensen